



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

3. Analogia III. inter Spem & Parietem.

[urn:nbn:de:hbz:466:1-46065](#)

ceperunt
ntura, qu
damento
ali, Spen
co conte
lderus 12

Non delinquent omnes, qui sperant in eo, inquit Propheta. (a)

(a) Psal. 33. 23.

ARTICULUS III.

ANALOGIA III.

Inter Spem & Parietem.

PARIES est Septim, quod in utroque ædium latere, domum unam ab altera dirimit. Id quoque præstar suo modo Spes. Quod ut intelligatur, & utilitatis aliquid inde hauriatur. OBSERVO. Aliam esse Domum in hac vita degentium, aliam ex hac vita ad alteram translatorum. Illa dicitur *Domus Viatorum*, de qua disputamus: hæc in termino consistentium, tum *Beatorum*, tum *Dæmonorum*. Quis paries utramque hanc domum distinguit? Non Fides: nam in inferno Dæmones etiam credunt & contremiscunt. (a) Non Caritas: nam in Beatis est Caritas perfectissima. Murus dividens est Spes: hoc enim solum est in iis, qui nondum ad vitæ terminum perverserunt. Imprimis enim Beati ævo felici fruentes non habent amplius Spem. (b) Siquidem Spes versatur circa bonum, quod futurum est, & haberi debet cum aliqua difficultate. At beatitudinem jam possident ad cœlum admissi, neque est illis ardua. *Spes, quæ videtur*, inquit Paulus Apostolus, *non est Spes: nam quod videt quis quid sperat?* ad Rom. VIII. Sensus est, quando Spes videtur, id est, res sperata olim, possidetur per visionem Dei, naturali quādam sequela Spes evacuat, ut jam sperari desinat,

Hh 4 quod

quod habetur. Siquidem Spei nomine Apostolus rem ipsam, quæ speratur intelligit. Simili modo ad Titum secundo, eodem vocabulo utitur *Expectantes beatam Spem, inquiens.*

Subiungit autem ad Romanos quidpiam, quod Spei naturam optimè declarat, si benè intelligatur. Nam quod videt quis quid sperat? Hoc si vniuersè accipiatur, fallere videtur: nam qui in stadio currunt, propositum vident bravium, & tamen sperant. Sed Apostolus principiū loquitur de Spe Theologica, quæ tendit in Deum, quem qui clare videt, quod sit per visionem beatificam, tenet, ac possidet, atque ita sperare nullo modo potest. Quod si libet dicere, S. Paulum univerſim loqui de Spe cuius ea sit ratio, ut possessionem excludat eorum, qui sperantur, non refragor: cùm verissimus sit sensus: quod quis jam possidet ac tenet, quid sperat? Quod adeò verum existimavit S. Thomas, ut docuerit l. c. ad 4. ut docuerit animas jam beatas ne sperare quidem sui corporis immortalitatem & gloriam, quod eam jure sibi debitam certa expectatione quodammodo possideant.

A quo non dissentirent Philosophi, ita Spem definentes, ut illam non nisi ad futura, & quæ difficultatem aliquam adjunctam habent, extendant. Gregorius Nyssenus (*a*) in Philosophicis instructissimus: *Spes*, inquit, id quod non adeo dumtaxat adhibetur. Aristoteles vero, (*b*) Spem dicit esse, cùm rerum salutarium cogitatione, quando propè adsunt, neque terrorem adferunt, vel certè longè absunt. Hinc fit, ut quia Deus nihil est expectandum, nec quicquid ei est arduum, aut difficile, Spes ei convenire non possit. Denique, Benedictus XI. Pótifex Extravag. Cōstitutione, quæ incipit, *Benedictus*, expressè definit: *Visione Dei, ejusque fructu, actum fidei & Spei, quatenus quidem sunt*

(*a*) lib. de anima, & resur. (*b*) lib. 2 ad Theodect. cap. 5.

sunt virtutes Theologicæ, evacuari. Porro, quomodo, vel habitus Spei, vel actus secundarii illius maneant in Beatis in Exercitationibus Theologicis examinavimus.

JAM verò, idem Spei septum distinguit domum viatorum à damnatorum habitaculo: nullam enim Spem Salvatoris habent damnati, quibus non est amplius possibilis adquisitio beatitudinaria: & ad gravitatem misericordie ac pœnæ ipsorum spectat, ut intelligant, se nulla ratione posse pervenire. Quemadmodum securitatis Beatorum est, intelligere, quod non possit Beatitudo semel parta amitti: & ubi ceciderit lignum, ibi sit mansuum, sive ad Austrum, sive ad Aquilonem, ut inquit Ecclesiastes cap. xi.

Et quoniam Animæ in purgatricibus flammis cum viatoriis quadam tenus commorari videntur, quia ad metam nondum pervenerunt, idcirco communis est ijs Spei sub eodem tecto paries. Existimo enim animas illas, quamvis in igne acerrimi doloris detentas, certas esse de sua salute, certitudine tali, quæ timorem quidem omnem, quo nobis hic viventibus sunt feliciter, non tamen omnem spem excludat. Siquidem Beatitudo est iis futura, non præsens, ac proinde non tollit expectationem: est etiam ardua, quoniam per gravissimas pœnas ad eam pervenient: atque idcirco illorum ibi commorantium expectatio dicitur Spes; licet non sit contingens, sed necessaria, quia non possunt amplius ab ea excidere: & ideo tollit omnem timorem. Hoc placide insinuare videtur Ecclesia, dum per sacrificantem operatur in Canone Missæ: Memento Domine, famulorum famularumque tuarum, quæ nos præcesserunt cum signo fidei, & dormiunt in somno pacis. Protectò, quæ dormire dicuntur, & placide dormire, non sunt tam anxiæ ut desperent, sed

H h s habent

habent admixtam cum summis cruciatibus consolatiō
nem inexplicabilem propter certam Spem salutis.



SERMO II.

*Materia Parietis, qui est
S P E S.*

ARTICULUS I.

Parietes variū generis, diversitate à Materiā desumpta.

VT declaretur ex quā-nā sit materia Paries
seu Murus Domus Sapientiæ , qui Spes di-
tur , sumo ex Architecturā Vitruvii, non uni
generis esse Parietes , quoad materiam.
enim , & antiquissimi, sunt lateritii , structi ex lateri-
crudis, sole tantūm coctis & duratis. Est enim apud
truvium, later aliis crudus, alias coctus, idemque us-
ceus, rigens & sonans, velut testa videlicet. Crudi duri-
mæ soliditatis, & ad diuturnitatē ædificiorum egre-
præstare usus existimantur. Lateritia autem structa
publicis , privatis , regalibus etiam ædificiis utebant
olim quod enumeratione copiosa demōstrat Vitruvius
& ex eo totidē penè verbis, suppresso nomine, Plinius
ne quis miretur similia è recentioribus fieri. Graci, inq.
pre
pracul
publica
Athene
& Her
rent. L
quang
rant. L
num p
man d
& Var
magis m
istiusm
unam c
munis
Quod
stea, na
tiā mar
tum lac
tia, int
nostræ,
tri disce
PAR
marmo
maceu
mam ir
Hamam
montib
autem
bus con
Cratiti
Etis tra
lignis -

(a) Vitruvius lib. 2. cap. 8. (b) Plin. lib. 35. cap. 14.